

1. ხელშეკრულების დამდები მხარეები

ერთი მხრივ, საქართველოს იუსტიციის უმაღლეს საბჭოსთან არსებული სსიპ საერთო სასამართლოების დეპარტამენტი (შემდგომში „შემსყიდველი“), მისი თავმჯდომარის მოადგილე გიორგი კაკაურიძის სახით და მეორეს მხრივ, ----- (შემდგომში „მიმწოდებელი“), მისი ----- სახით, საქართველოს მოქმედი კანონმდებლობისა და მიმწოდებლის სატენდერო წინადადების საფუძველზე, (NAT) ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

2. ხელშეკრულებაში გამოყენებულ ტერმინთა განმარტებები

- 2.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 2.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 2.3. „დღე“, „კვირა“, „თვე“ – კალენდარული დღე, კვირა, თვე, თუ სხვა რამ არ არის მითითებული ხელშეკრულებაში.
- 2.4. „შემსყიდველი“ – ორგანიზაცია, რომელიც ახორციელებს შესყიდვას.
- 2.5. „მიმწოდებელი“ – პირი/ორგანიზაცია, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

3. ხელშეკრულების საგანი

- 3.1. ----- სახელმწიფო შესყიდვა (CPV - 48200000).
- 3.2 შესყიდვის ობიექტის დეტალური აღწერა მოცემულია ტენდერზე დართულ დოკუმენტებში და ფასების ცხრილში (დანართი);

4. ხელშეკრულების ღირებულება

- 4.1. ხელშეკრულების ჯამური ღირებულება შეადგენს — (ლარს).
- 4.2. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით დადგენილ ყველა გადასახადს.

5. ხელშეკრულების შესრულების კონტროლი

- 5.1. მიმწოდებლის მიერ ხელშეკრულებით ნაკისრი ვალდებულების შესრულების კონტროლს შემსყიდველის მხრიდან განახორციელებს - სსიპ საერთო სასამართლოების დეპარტამენტის ----- სამმართველოს თანამშრომელი(ებ)ი.
- 5.2 შემსყიდველი უფლებამოსილია, ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

6. შესყიდვის ობიექტის მიღება-ჩაბარების წესი

- 6.1 საბოლოო მიღება-ჩაბარება წარმოებს მიწოდება, დანერგვა და ცოდნის გადაცემის სრულად განხორციელების შემდგომ (ხოლო ექსპერტიზის განხორციელების შემთხვევაში, ასევე ექსპერტიზის დადებითი დასკვნის საფუძველზე).
- 6.2. შემსყიდველის მხრიდან მიღება-ჩაბარების აქტ(ებ)ს ხელს აწერს ---
- 6.3. მიღება-ჩაბარების აქტ(ებ)ი დგება სამ ეგზემპლარად, რომელთაგან ორი გადაეცემა შემსყიდველს, ხოლო ერთი მიმწოდებელს.

7. შესყიდვის ობიექტის მიწოდების პირობები და გარანტია

7.1. სისტემის მიწოდება, დანერგვა და ცოდნის გადაცემა უნდა განხორციელდეს ხელშეკრულების გაფორმებიდან 80 კალენდარული დღის განმავლობაში.

იმ შემთხვევაში, თუ მიწოდების ბოლო დღე ემთხვევა არასამუშაო დღეს, ვადა გადაიწვეს პირველივე სამუშაო დღეზე. შემსყიდველი იტოვებს უფლებას განახორციელოს სისტემის ექსპერტიზა. დრო, რომელიც ესაჭიროება შემსყიდველს ექსპერტიზების განსახორციელებლად არ ჩაითვლება შესრულების სავალდებულო ვადებში. ექსპერტიზების ხარჯებს გაიღებს შემსყიდველი.

7.2. ადგილი: ქ. თბილისი. ძმები ზუბალაშვილების #32 (სსიპ საერთო სასამართლოების დეპარტამენტი).

7.3. პრეტენდენტს უნდა ჰყავდეს შემოთავაზებული გადაწყვეტილების მწარმოებლის მინიმუმ 1 სერტიფიცირებული თანამშრომელი ტექნიკური მიმართულებით.

7.4. იმპლემენტაციის პროცესში მომწოდებლის მხრიდან უნდა მონაწილეობდეს მწარმოებლის მიერ მინიმუმ 1 სერტიფიცირებული თანამშრომელი ტექნიკური მიმართულებით.

7.5. ამ პუნქტის 7.3. ან 7.4. პუნქტებით გათვალისწინებული რომელიმე პირის ცვლილების შემთხვევაში, მიმწოდებელი ვალდებულია აღნიშნული დაუყოვნებლივ წერილობით შეუთანხმოს შემსყიდველს. შეთანხმებას უნდა დაერთოს ჩასანაცვლებელი პირის ანალოგიური კვალიფიკაციის დამადასტურებელი დოკუმენტები

7.6. შემოთავაზებული სისტემის ლიცენზიის ხანგრძლივობა უნდა იყოს არანაკლებ 3 წლიანი. მხარდაჭერისა და პროგრამული განახლების სერვისის ხანგრძლივობა მწარმოებლისგან უნდა შეადგენდეს სისტემის მიწოდებიდან არანაკლებ 3 წელს, პირობით არანაკლებ 24X7. სისტემის დანერგვიდან არანაკლებ 1 წლის განმავლობაში მომწოდებელმა უნდა უზრუნველყოს შემსყიდველის ტექნიკური მხარდაჭერა სისტემის კონფიგურაციული ცვლილებების დროს შესაძლო წარმოქმნილი სირთულეების გადაწყვეტისა და აღმოფხვრის მიზნით, პირობით არანაკლებ 24X7.

7.7. ხელშეკრულების მოქმედების ვადის ამოწურვა გავლენას არ ახდენს მიმწოდებლის გარანტიიდან გამომდინარე ვალდებულებებზე.

7.8. სისტემის მიწოდების პირობები:

1. ინსტალაციის, დანერგვის და პირველადი სამუშაო პროცესის სწავლების სერვისები უნდა განხორციელდეს შემოთავაზებული გადაწყვეტილებების მწარმოებლისგან სერტიფიცირებული პირ(ებ)ის მიერ, შემსყიდველის არანაკლებ 4 თანამშრომლისთვის, ქართულ ენაზე (თარჯიმნის საჭიროების შემთხვევაში მის უზრუნველყოფას ახორციელებს მიმწოდებელი).

2. იმპლემენტაციის პროცესი უნდა მოიცავდეს შემდეგს პუნქტებს:

- არქიტექტურული გადაწყვეტილების მომზადება სისტემის იმპლემენტაციისთვის;
- სისტემის იმპლემენტაცია შემსყიდველის მიერ გამოყოფილ ინფრასტრუქტურაში;
- სისტემის მუშაობის პრინციპების და მუშაობისათვის საჭირო ცოდნის გადაცემა ქართულ ენაზე (თარჯიმნის საჭიროების შემთხვევაში უზრუნველყოფას ახორციელებს მიმწოდებელი);

8. ანგარიშსწორება

8.1. ანგარიშსწორების წესი: სატენდერო დოკუმენტაციის მიხედვით

8.2. ანგარიშსწორება ხორციელდება უნაღდო ანგარიშსწორების გზით, ეროვნულ ვალუტაში - ლარში;

8.3. ანგარიშსწორების ფორმა - უნაღდო.

9. ხელშეკრულებაში ცვლილება

9.1. ხელშეკრულების ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;

9.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა, არაუმეტეს ხელშეკრულების თავდაპირველი ჯამური ღირებულების 10%-ისა. ხელშეკრულების გადასინჯა ხდება საქართველოს კანონმდებლობით დადგენილი წესით;

9.3. მხარეების მიერ წინამდებარე ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რის შესახებაც წინასწარ წერილობითი ფორმით ან კომუნიკაციის ელექტრონული საშუალებების გამოყენებით უნდა შეატყობინოს მეორე მხარეს;

9.4. ხელშეკრულება შეიძლება ასევე შეწყდეს მხარეთა ურთიერთშეთანხმების საფუძველზე.

10. ფორს-მაჟორი

10.1. ხელშეკრულების, რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;

10.2. ამ ხელშეკრულების მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან მხარეების შეცდომებთან და დაუდევრობებთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით და სხვა გარემოებებით;

10. 3. ფორს-მაჟორული გარემოების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

11. მხარეთა ურთიერთობა

11.1. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

11.2. შემსყიდველი ვალდებულია უზრუნველყოს ხელშეკრულების ღირებულების ანაზღაურება ხელშეკრულებით გათვალისწინებული პირობითა და ვადებში;

11.3. მიმწოდებელი უფლებამოსილია მოთხოვოს ხელშეკრულების ღირებულების ანაზღაურება ხელშეკრულებით გათვალისწინებული პირობითა და ვადებში;

11.4. მიმწოდებელი ვალდებულია: ა) შეასრულოს ხელშეკრულებით ნაკისრი ვალდებულება სათანადო ხარისხისა და სრული მოცულობით; ბ) იმ შემთხვევაში, თუ რომელიმე პარამეტრი არ შეესაბამება „შემსყიდველი“-ს მოთხოვნებს, საკუთარი სახსრებით აღმოფხვრას აღმოჩენილი ხარვეზი და წარმოადგინოს სრულყოფილი ვარიანტი.;

12. ხელშეკრულების პირობების შეუსრულებლობა

12.1. ფორს-მაჟორული გარემოებების გარდა, ამ ხელშეკრულებით ნაკისრი ვალდებულებების შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე, ხელშეკრულების საერთო ღირებულების 0.02 %-ის ოდენობით.

12.2. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 1%-ს, შემსყიდველს უფლება აქვს ცალმხრივად შეწყვიტოს ხელშეკრულება.

12.3. სახელშეკრულებო ვალდებულებების სრულად ან ნაწილობრივ შეუსრულებლობის შემთხვევაში, შემსყიდველი უფლებამოსილია შეწყვიტოს ხელშეკრულება და დააკისროს მიმწოდებელს პირგასამტეხლო ხელშეკრულების ჯამური ღირებულების 5%-ის ოდენობით.

12.4. გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო, ყოველ გადაგადაცილებულ დღეზე გადაუხდელი თანხის 0,02 %-ის ოდენობით.

12.5. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

12.6. თუ დაყოვნება ან ვადის გადაცილება არ არის დამოკიდებული მიმწოდებლის ქმედებაზე, ან გამოწვეულია შემსყიდველის მიერ, პირგასამტეხლო არ გამოიყენება.

13. ხელშეკრულების მოქმედების ვადა

13.1 ხელშეკრულება ძალაში შედის მხარეთა მიერ მისი ხელმოწერის თარიღიდან და მოქმედებს 2019 წლის ----- ჩათვლით.

14. დამატებითი პირობები

14.1. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის და/ან არაჯეროვანი შესრულებისათვის საქართველოს კანონმდებლობით დადგენილი წესით;

14.2. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი ეგზემპლარი მიმწოდებელთან და ორი ეგზემპლარი - შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15. მხარეთა რეკვიზიტები: